

Na osnovu Zakona o finansijskom upravljanju i kontroli u javnom sektoru u Federaciji Bosne i Hercegovine („Službene novine Federacije BiH“, broj 38/16), Pravilnika o provođenju finansijskog upravljanja i kontrole u javnom sektoru u Federaciji Bosne i Hercegovine ("Službene novine Federacije BiH broj 6/17), Standarda interne kontrole u javnom sektoru Federacije BiH(Službene novine Federacije BiH broj 75/16) i člana 20 Statuta Fonda Kantona Sarajevo za izgradnju stanova članove porodica šehidai poginulih boraca, ratne vojne invalide, demobilizirane borce i prognane osobe, direktor Fonda Kantona Sarajevo za izgradnju stanova , donosi

P R A V I L N I K
O FINANSIJSKOM UPRAVLJANJU I KONTROLI
U FONDU KANTONA SARAJEVO ZA IZGRADNJU STANOVA

DIO PRVI - OPĆE ODREDBE

Član 1.
(Predmet)

Ovim pravilnikom uređuje se uspostavljanje i provođenje finansijskog upravljanja i kontrole u Fondu Kantona Sarajevo za izgradnju stanova (u daljem tekstu: Fond), i utvrđuju pravila kojima se rukovode svi zaposleni prilikom obavljanja poslova i radnih zadataka u svrhu ostvarivanja ciljeva Fonda.

Član 2.
(Pojam finansijskog upravljanja i kontrole)

Finansijsko upravljanje i kontrola je dinamičan sveobuhvatan sistem politika, procedura i aktivnosti koje uspostavljaju rukovodioci organizacionih jedinica u Fondu, kako bi se obezbijedilo da se utvrđeni ciljevi Fonda ostvare na pravilan, ekonomičan, efikasan i efektivan način.

Član 3.
(Uspostavljanje i provođenje finansijskog upravljanja i kontrole)

- 1) Pomoćnici Direktora Sektora u Fondu uspostavljaju finansijsko upravljanje i kontrolu nad funkcionisanjem poslovnih procesa u unutrašnjim organizacionim jedinicama kojima rukovode.
- 2) Finansijsko upravljanje i kontrolu u Fondu provode svi zaposleni.

DIO DRUGI - CILJ, SVRHA, ZADATAK I DJELOKRUG FINANSIJSKOG UPRAVLJANJA I KONTROLE

Član 4.
(Cilj finansijskog upravljanja i kontrole)

Cilj finansijskog upravljanja i kontrole je da se osigura dobar sistem interne kontrole i stvarna odgovornost zaposlenih u Fondu za poslove i radne zadatke koje obavljaju, a kako bi se